

Broj: 08-JN-21-6

Sarajevo: 03.02.2025. godine

Na osnovu čl. 64. stav (1) tačka b), čl. 70. stav (3), čl. 98. stav (4) Zakona o javnim nabavkama ("Službeni glasnik BiH", br.39/14, 59/22 i 50/24) i Zapisnika o radu Komisije za javne nabavke, broj: 08-JN-21-5 od 03.02.2025. godine, d o n o s i:

O D L U K U

o izboru najpovoljnijeg ponuđača za nabavku usluge " Održavanje IT sistema (Održavanje Core dijela IT sistema i održavanje korisničkog dijela IT sistema

I

Prihvata se preporuka Komisije za javnu nabavku usluge " Održavanje IT sistema (Održavanje Core dijela IT sistema i održavanje korisničkog dijela IT sistema)" i dodjeljuje se ugovor ponuđaču **FIXIT d.o.o. Sarajevo** kao najbolje ocjenjenom u provedenom konkurentskom postupku predmetne javne nabavke po TD broj: 08-JN-21 za ponuđenu cijenu od **18.000,00 KM bez PDV-a + 3.060,00 KM PDV-a = 21.060,00 KM sa PDV-om.**

II

Izabrani ponuđač dužan je u roku od 5 (pet) dana od dana prijema ove Odluke dostaviti originale ili ovjerene kopije dokumentacije iz čl. 45. Zakona o javnim nabavkama BiH, ukoliko istu nije dostavio uz ponudu.

III

Prijedlog ugovora dostavit će se na potpis izabranom ponuđaču **FIXIT d.o.o. Sarajevo** i po proteku roka od 10 (deset) dana, računajući od dana od kad su svi ponuđači obavješteni o izboru najpovoljnije ponude.

IV

Zadužuje se sekretar Komisije za javne nabavke da pismeno obavjesti ponuđača o Odluci najkasnije u roku od 7 (sedam)dana od donošenja odluke.

V

Zadužuje se stručni saradnik za informisanje da predmetnu Odluku objavi na web stranici KJKP „PARK“-a d.o.o. Sarajevo.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 08-JN-21-2 od 16.01.2025. godine.

Javna nabavka je provedena putem konkurentskog postupka. Procijenjena vrijednost javne nabavke je **18.000,00 KM bez PDV-a** (za jednu godinu).

Dana 17.01.2025. godine Komisija je donijela Poslovnik o radu broj: 08-JN-21A.

Komisija za javnu nabavku imenovana je Rješenjem, broj: 08-JN-21-3 od 16.01.2025. godine.

Obavještenje o javnoj nabavci objavljeno je na portalu javnih nabavki dana br. 410-7-2-18-3-21/25 od 17.01.2025. godine.

Komisija za javnu nabavku dana 28.01.2025. godine sačinila je Zapisnik o javnom otvaranju ponuda, broj: 08-JN-21-4 i isti dostavila učesnicima u postupku.

Nakon izvršene ocjene i vrednovanja ponuda, Komisija je sačinila Zapisnik o radu Komisije, broj: 08-JN-21-5 od 03.02.2025. godine i isti dostavila učesnicima u postupku.

U postupku je ocijenjeno da je Komisija za javnu nabavku pravovremeno i pravilno izvršila otvaranje ponuda i ocjenu ponuda, o čemu je sačinila odgovarajuće zapisnike.

Nadalje Komisija je konstatovala sljedeće:

- da je ukupan broj pristiglih ponuda -3 (tri)
- da je pravovremeno zaprimljene ponude – 3 (tri)
- da je bilo postavljenih pitanja na portalu javnih nabavki
- da nije održana e-aukcija, iz razloga što je samo jedan ponuđač okvalifikovan kao prihvatljiv.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je prilikom analize i evaluacije verifikovanih ponuđača utvrdila:

- **Da je ponuda ponuđača FIXIT d.o.o. Sarajevo kvalifikovana** i da ispunjava uslove i kriterije propisane tenderskom dokumentacijom;
- **Da je ponuda ponuđača ARTCO GROUP d.o.o. Sarajevo neprihvatljiva** jer ne ispunjava kvalifikacioni kriterij u pogledu tehničke i profesionalne sposobnosti iz tačke 7.4.2 tenderske dokumentacije. Naime ugovorni organ je od ponuđača tražio da dokažu da su kvalitativno i kvantativno kvalificirani za pružanje usluga koje su predmet nabavke i da ispunjavaju određene obrazovne i profesionalne kvalifikacije, odnosno da ponuđači imaju minimalno:
 - a) zaposlenog jednog (1) inženjera informatike ili elektrotehnike;
 - b) zaposlena tri (3) računarska tehničara;
 - c) jednu osobu certificiranu za IT sigurnost sa certifikatom izdatim od proizvođača Fortinet (Fortinet Certified Solution Specialist Network Security);
 - d) jednu osobu certificiranu od strane Cisco-a za mrežnu infrastrukturu minimalno CCNA.

U svrhu dokazivanja prethodno navedenog ponuđači su bili dužni uz svoje ponude dostaviti sljedeće:

- a) **ugovore o angažmanu** za lica iz tačke 7.4.2 pod a), b), c) i d) (npr. ugovor o radu ili ugovor o djelu i sl.);
- b) **ovjerene kopije traženih certifikata.**

Ponuđač ARTCO GROUP d.o.o. Sarajevo uz svoju ponudu **nije dostavio traženi dokaz** za lica iz tačke 7.4.2 pod a), b), c) i d) TD. Naime ponuđač ARTCO GROUP d.o.o. Sarajevo je kao dokaz dostavio Izjave o angažovanom osoblju, CV – biografije za određena lica, te Sporazum o namjeri angažovanja lica Nihad Bahtanović od 24.01.2025. godine kao i Listu osiguranih lica. Obzirom da je ovaj Ugovorni organ tražio isključivo ugovore o angažmanu za sva lica iz tačke 7.4.2 pod a), b), c) i d) tenderske dokumentacije Komisija je ponudu ponuđača ARTCO GROUP d.o.o. Sarajevo kvalifikovala kao neprihvatljivu.

- **Da je ponuda ponuđača BITS Computers d.o.o. neprihvatljiva** iz razloga jer također ne ispunjava kvalifikacioni kriterij u pogledu tehničke i profesionalne sposobnosti odnosno ne ispunjava kvalifikacioni uslov iz tačke 7.4.2. tenderske dokumentacije;

Naime ponuđač BITS Computers d.o.o. uz svoju ponudu nije dostavio traženi dokaz da ima angažovano lice sa važećim Fortinet certifikatom. Ponuđač je dostavio Izjavu pravnog lica EXCLUSIVE NETWORKS u kojoj je iskazana namjera za zaključenje ugovora sa ponuđačem BITS Computers d.o.o. i angažovanje lica koje ima važeći Fortinet certifikat. Dakle Komisija je zaključila da ponuđač u momentu predaje ponude na tender nema angažovanu osobu sa traženim certifikatom, a izjava ne predstavlja ugovor i ne garantuje pravnu sigurnost da će isti zaista i biti zaključen.

Uvidom u ponudu Komisija je utvrdila da ponuđač BITS Computers d.o.o. uz ponudu nije dostavio ovjerenu kopiju certifikata izdatu od proizvođača Fortinet (Fortinet Certified Solution Specialist Network Security) kao ni ovjerenu kopiju certifikata izdatu od strane Cisco-a za mrežnu infrastrukturu. Ponuđač je dostavio Izjavu u kojoj navodi da pomenute kopije certifikata službenici Općine Ilidža i Novi Grad nisu htjeli ovjeriti iz razloga jer su isti na engleskom jeziku.

Obzirom da je ugovorni organ propisao tenderskom dokumentacijom da svi ponuđači uz svoje ponude trebaju kao dokaz dostaviti ugovore o angažmanu Komisija je ocijenila ponudu ponuđača BITS Computers d.o.o. neprihvatljivom.

Komisija je nakon gore navedenog utvrdila da je izabran ponuđač **FIXIT d.o.o. Sarajevo** ponudio najpovoljniju ponudu i izabran je, primjenjujući kriterij „najniža cijena“, sa cijenom u iznosu **od 18.000,00 KM bez PDV-a**, u otvorenom postupku predmetne javne nabavke, po TD broj **08-JN-21**.

Iz navedenih razloga primjenom čl. 64. stav (1) tačka b) i čl. 70. stav (3) odlučeno je kao u dispozitivu ove Odluke.

PRAVNA POUKA:

Protiv ove Odluke može se izjaviti žalba u roku od 5 (pet) dana od dana prijema iste. Žalba se podnosi u pisanoj formi Uredu za razmatranje žalbi a putem u govornog/prvostepenog organa.

DIREKTOR

KJKP "Park" d.o.o. Sarajevo



Akt pripremila sekretar komisije:

A

Akt prekontrolisao, predsjednik komisije:

Dostaviti:

- Ponuđačima:

-tenderi@fixit.ba.ul, Zaima Šarca 34 71000 Sarajevo

-info@artcogroup.ba. Ul, Marka Marulića 2 71000 Sarajevo

-info@bits.ba.ul. Džemala Bijedića 166a 71000 Sarajevo

- SKP

- Stručni saradnik za informisanje

-a/a